



Kontext ze setzen: Et ass also net generell, mee et schéngt wierklech hei um Niveau vun der Finanzplaz eng gewësse Stagnatioun ze sinn. An ech mengen, duerfir ass et wichteg, datt een dat doten awer ganz genau am A behält.

Zweetens: Dir hutt mer op eng Fro net geäntwert, déi awer net onwichtig ass an déi och e bësse mam Brexit a mat de Konsequenze vum Brexit ze dinnt huet, dat ass déi, wat ech emol géif nenne „relativ lwwerregulatioun“, déi sech am Moment international a ganz besonnesch um Niveau vun der EU mécht. An ech mengen - an dat hutt Dir an ech och ëmmer gefaart -, datt eeben d'City of London justement do an déi doten Nisch géif erasprangen, fir vun där lwwerregulatioun ze profitéieren a fir do einfach ganz villen Investisseuren eebe Saachen op méi eng einfach Aart a Weis unzbidden, wéi mir dat am Moment um Niveau vun der EU kéinte maachen.

Duerfir awer do nach eng Kéier meng Fro, ob een net awer misst lues a lues och zu Bréissel e bësse géigesteieren. Dat heescht net, datt mer alles sollen erëm zrëckdréien, mee e bësse géigesteieren, fir awer och där doter neier Situatioun Rechnung ze droen.

Merci.

■ **M. Pierre Gramegna, Ministre des Finances.**- Jo, Dir hutt ganz Recht. Deen zweete Punkt - ech hat en opgeschriwwen an deen hat ech elo nach vergiess -, ech sinn och ganz frou, nach dorop ze äntwerten.

Mee virdu vläicht nach zur Kierperschaftssteier: Ee Phenomeen, deen 2020 geschitt ass, deen ass, mengen ech, relativ einfach nozevollzéien, an dat ass, dass natierlech d'Banken an deem verréckte Joer 2020, mat Lockdown an allem, ganz héich Provisiounen gemaach hunn. Dir wësst och, dass d'Banke jo Moratoire ginn hunn an esou weider. An d'Banken hunn natierlech ganz staark Provisiounen fir 2020 drageschriwwen. An dat reduzéiert natierlech hire Benefiss mechanesch!

Ech kann lech awer elo scho soen - bon, elo si mer jo Enn 2021 -, dass ech vu ville Banke gesot kréien an och vun den Ekippe gesot kréien, dass den Impact vun der Pandemie vill méi kleng war, d'Failliten och méi kleng waren, och well de Staat dat alles ofgefiedert huet, oder ganz vill ofgefiedert huet, dass also déi Provisiounen wäerten erëm opgeléist ginn. A wann dat dann och wierklech sech komplett esou ausféiert, da kéint et jo och sinn, dass dat wierklech nëmme passager war an dass et net e strukturelle Phenomeen war. „Et kéint sinn“, ech muss do de Conditionnel gebrauchen.

Zu der lwwerregulatioun, e grouse Sujet! Jo, eng intelligent Regulatioun ass u sech haut onabdéngbar. Mir kommen - dat geet et bësse méi wäit zrëck - vun enger Pendelsituatioun, wou esou vill dereguléiert ginn ass an de leschten, elo net méi an de leschte fënnel, siwe Joer, mee do virdrun an deenen 20 Joer, esou vill dereguléiert ginn ass, dass mer jo och d'Finanzkris vun 2008 kruten. An dee Pendel ass amgaangen, weider elo an déi aner Richtung ze goen. A mir ginn an eng Zon, déi e bësse geféierlech ass: wann een iwwerreguléiert. Zemoos, dat ass jo e bëssen eng Manie vun Europa, fir vill ze reguléieren.

Mee eng intelligent Reguléierung kann och e Virdeel sinn! Zum Beispill am Paiement, am Paiement électronique huet Europa déi sophistiquéiertst Regulatiounen. A mir kréie vu villen Acteuren gesot: „Doduerch, dass Dir déi hutt an Europa, majo, sinn do ganz vill Acteuren, déi sech och grad an Europa nidderloossen, fir och eng Lizenz ze kréien, fir dass dat Ganzt an engem Kader sech ofspillt, dee kloer ass.“ Wouvu Lëtzebuerg da beneficiéiert huet; mee Dir hutt Recht: Et besteet e Risk vun lwwerregulatioun.

Mee dozou muss een awer nach zwou Saache soen. Dat eent ass: Wéi reguléiere mer d'digital Finanzwelt? Do ass eng Direktiv, déi heescht DORA - dat ass fir all déi Avoiren, déi digital sinn, Cryptomonnaien an esou -, do ass eng Direktiv amgaang verhandelt ze ginn. Déi wäert et vläicht bis Enn des Joers oder Ufank d'nächst Joer definitiv ginn. Och do gi mer an Neiland eran. A fir ze wëssen, ob dat elo eng gutt Saach ass, dass Europa dat reguléiert, oder eng schlecht Saach, do tendéieren ech awer plûtôt dozou ze mengen, dass et gutt ass, dass een dat e bësse reguléiert. Dat kann engem en Avantage compétitif ginn. Et gëtt aner Regulatiounen, déi ze wäit ginn.

An deen zweete Sujet, dee ganz wichteg ass, ass den Anti-blanchiment. Um Anti-blanchiment gëtt elo vill geschafft. Och do ass eng Proposition de directive. Do soll jo eng Agence européenne geschafe ginn. Mir ënnerstëtzen als Lëtzebuerg, dass eng Agence européenne soll gemaach ginn. Dat garantéiert, mengen ech, e Level-Playingfield, dee mer brauchen. An dat geet awer a Richtung vill méi Regulatioun. Dofir, ech wëlt net pauschal soen, dass een dergéint soll sinn.

An da musse mer op eppes oppassen: Dir hutt Länner, déi wëllen ëmmer méi reguléieren, an Dir hutt Länner, déi wëlle méi liberal sinn. England war jo

typesch e Land, wat méi liberal ëmmer wollt sinn. A mir als Lëtzebuerg géife soen: „Wat mer wierklech wëlle verhënneren, dat ass, dass Mauere ronderëm de Marché intérieur gebaut ginn.“ Dovunner ofgesinn, dass souguer am Marché intérieur heiansdo versicht gëtt, d'Saache méi schwéier ze maachen. Mee mir wëlle keng Mauere ronderëm de Marché intérieur, well dat géif der Attraktivitéit vun eiser Finanzplaz an der Attraktivitéit vun Europa schueden.

Ech soen lech Merci.

■ **M. Fernand Etgen, Président.**- Merci Här Finanzminister Pierre Gramegna.

14. 7867 - Projet de loi portant approbation de la Convention entre le Gouvernement du Grand-Duché de Luxembourg et le Gouvernement de l'État du Koweït tendant à éviter les doubles impositions et à prévenir la fraude fiscale en matière d'impôts sur le revenu et sur la fortune, faite à Luxembourg, le 11 décembre 2007, ainsi que l'Avenant, fait à Luxembourg, le 25 mars 2021, modifiant la Convention entre le Gouvernement du Grand-Duché de Luxembourg et le Gouvernement de l'État du Koweït tendant à éviter les doubles impositions et à prévenir la fraude fiscale en matière d'impôts sur le revenu et sur la fortune, faite à Luxembourg, le 11 décembre 2007

Dee leschte Punkt um Ordre du jour vun haut ass de Projet de loi 7867, eng Konventioun tëschent Lëtzebuerg an dem Kuwait am Beräich vun der Besteuerung. D'Riedezäit ass nom Basismodell festgeluecht. An de Rapporteur vun dësem Projet de loi ass den honorabelen Här Guy Arendt. Här Arendt, Dir hutt d'Wuert.

Rapport de la Commission des Finances et du Budget

■ **M. Guy Arendt (DP), rapporteur.**- Merci, Här President. Dir Dammen an Dir Hären, ech versichen, et relativ kuerz ze maachen, fir Är Zäit net ze vill ze strapazéieren.

Steiergerechtkeet um internationale Plang, dovunner gëtt oft geschwat. Et ass fir vill Leit en deels emotionale Sujet. An dach finalement ass et e Sujet, deen immens komplex ass. Verbesserung ginn oft Juridictioun pro Juridictioun, Text pro Text ëmgusat. Dat brauch Zäit a Fangerspëtzegefill.

Esou e Beispill sinn d'Duebelbesteierungsofkommissen, déi Lëtzebuerg mat anere Länner verhandelt huet. De Grand-Duché huet iwwer 80 där Konventiounen mat Staaten aus der ganzer Welt. Dozou gehéieren eis Nopeschlänner, awer och Staaten op där anerer Säit vum Planéit. Effektiv sinn d'Duebelbesteierungssaccorden e wichtege Bestandteil vun eiser Finanzpolitik. Iwwerdeems erlaben dës Konventiounen, déi bilateral wirtschaftlech Relatiounen ze stäerken.

Haut dierf ech lech an deem Kontext de Projet de loi 7867 fir d'Randifikatioun vun esou engem Ofkommes mam Kuwait virstellen.

Am Joer 2007 hunn d'Regierung vu Lëtzebuerg a Kuwait d'Konventioun géint d'Duebelbesteuerung a géint d'Steierhannerzéiung am Kader vun der Akommes- a Verméigenssteuer ënnerschiwwen. Dës Konventioun ass bis elo nach net ratifizéiert ginn, well entre-temps nach en Avenant ausgeschafft ginn ass. Dësen Avenant ass op ministeriellem Niveau de 25. März 2021 ënnerschríwwen ginn.

Et geet drëm, d'Duebelbesteuerung ze vermeiden an och Steuerbedruch op d'Akommes ze verhënneren. Dat heescht, et gëtt vermidden, datt ee keng oder bal keng Steiere bezilt, also Steierevasioun oder Steuerbedruch mécht.

Den Avenant erlaabt et, fir de BEPS-Mesurë vun der OECD Rechnung ze droen. An notament den Artikel 26 ass ëmgeännert ginn, fir d'international Standarde beim Informationsaustausch ze respektéieren.

D'Konventioun bezitt sech op d'Besteuerung vum Akommes a Verméige vu Persounen a Sociéitéten, déi an engem oder an deenen zwee Länner ugeseidelt si respektiv do ugemellt oder gegrënnt gi sinn.

Et ass finalement eng equilibréiert Konventioun, déi Dispositiounen aus de Steuerregime vun den zwee Länner iwwerhëlt a gläichzäiteg den internationalen Normen Rechnung dréit.

De Staatsrot huet a sengem Avis vum 28. September 2021 keng Observatioun um Fong gemaach. Och d'Chambre de Commerce huet an hirem Avis vum 14. Oktober keng Bedenken ervirgehewen an huet also hiren Accord fir dës Gesetzesprojet ginn. Deen Avis huet d'Finanz- a Budgetkommissioun leider eréischt erreecht, nodeems mir de schrëftleche Rapport schonn ugehall haten.

Fir weider Detailler verweisen ech op mäi schrëftleche Rapport.

Finalement dierf ech dem Här Finanzminister a senge Beamten aus dem Finanzministère souwéi

de Mataarbechter aus dem Parlament villmools Merci soe fir déi gutt Zesummenaarbecht bei dësem Projet. D'DP-Fraktioun gëtt hiren Accord zu dësem Projet. An ech soen lech Merci fir d'No-lauschteren.

■ **M. Fernand Etgen, Président.**- An ech soen dem Här Rapporteur Guy Arendt villmools Merci a ginn d'Wuert weider un deen éischten ageschriwwene Riedner. An dat ass den honorabelen Här Laurent Mosar.

Discussion générale

■ **M. Laurent Mosar (CSV).**- Jo, an ech fänken och u mat engem ganz grouse Merci un eise Spezialist an där Matière, de Guy Arendt, deen dat ëmmer op eng ganz prezis, awer verständlech Aart a Weis hei virbréngt. Duerfir him e grouse Merci. Mir wäerten och eisen Accord zu dësem Projet bréngen.

Ech wollt mer awer vläicht just eng Remark erlaben, déi elo manner hei mat där Konventioun ze dinnt huet, mee déi méi generell mat de Konventiounen ze dinnt huet. Mir hu virdrun hei iwwert d'Attraktivitéit vum Finanzsektor geschwat. Ech mengen, datt déi Duebelbesteierungsofkommissen ëmmer méi wichteg ginn, well déi och kënnen en Element vun Attraktivitéit a vu Kompetitivitéit ginn.

Duerfir mengen ech, datt et och wichteg wier, datt een déi vläicht nach méi reegelméisseg géif versichen op de Leescht ze huelen, och wann ech weess, datt dat net ëmmer ouni Risiko ass. Well wann een eppes op de Leescht hëlt, well ee wëllt eppes verbessert kréien, leeft een natierlech och ëmmer d'Gefor, datt een och emol eppes ka manner kréien, wéi ee virdrun hat.

Nach mengen ech, datt et awer, wéi gesot, en ëmmer méi wichtegt Element an Instrument gëtt, besonnesch an enger Welt, déi leider Gottes net ëmmer esou global fonctionéiert, wéi se misst fonctionéieren, mee awer nach op eenzel bilateral Accorde fokusséiert ass. An duerfir wollt ech nach eng Kéier vun der Geleeënheet profitéieren, fir den Här Finanzminister dofir ze sensibiliséieren, datt ee vläicht och an Zukunft nach méi intensiv sech generell mat deenen Duebelbesteierungsofkommissen beschäftegt.

Dat nach eng Kéier gesot, gi mir awer den Accord zu dësem Projet. An ech soen dem Här Arendt nach eng Kéier villmools Merci.

■ **M. Fernand Etgen, Président.**- Merci villmools, Här Mosar. An d'Wuert geet weider un den honorabelen Här Claude Haagen.

■ **M. Claude Haagen (LSAP).**- Jo, merci, Här President. Mat engem Merci un de Rapporteur fir säi schrëftlechen a mëndlechen Accord ginn ech den Accord vun der LSAP-Fraktioun.

■ **M. Fernand Etgen, Président.**- Merci villmools, ... **(Brouhaha)**

... Här Haagen. An de Mikro ass elo fräi fir déi honorabel Madamm Josée Lorsché.

■ **Mme Josée Lorsché (déi gréng).**- Villmools merci, Här President. Ech maachen et och kuerz. Ech wollt dem Här Guy Arendt villmools Merci soen an den Accord gi vun der grénger Fraktioun.

■ **M. Fernand Etgen, Président.**- Merci, Madamm Lorsché. An da geet d'Wuert un den honorabelen Här Fernand Kartheiser.

■ **M. Fernand Kartheiser (ADR).**- Ech géif soen, datt ech mech an dësem Fall nëmmen dem Merci un den Här Arendt kann uschlëissen. An d'ADR dréit dat hei mat. Villmools merci.

■ **M. Fernand Etgen, Président.**- Merci, Här Kartheiser. A leschten ageschriwwene Riedner ass den honorabelen Här Marc Goergen.

■ **M. Marc Goergen (Piraten).**- Merci, Här President. An ech ka mech dem Merci just uschlëissen. A mir ginn och den Accord. Merci.

■ **M. Fernand Etgen, Président.**- D'Regierung huet d'Wuert, den Här Finanzminister Pierre Gramegna.

Prise de position du Gouvernement

■ **M. Pierre Gramegna, Ministre des Finances.**- Jo, merci, Här President. Ech freeë mech iwwert de Konsens iwwert dës Konventioun mam Kuwait, wou ech wëll ënnersträichen, dass mer eng Rëtsch finanziell an industriell Interëten do hunn. An dofir ass dës Netduebelbesteierungskonventioun eng wichteg.

De Fall hei beweist, wéi d'international Fiskaliteit iwwert d'Zäit evoluéiert huet, well d'Ufangsnegotiatioun geet zrëck op 2007. An do war nach ... Den Échange automatique gouf et net. Den Échange sur demande, deen ass 2008, 2009 komm. An de Kuwait wollt dunn dee Changement, wat den Échange sur demande ubelaangt, net maachen.

An der Tëschenzäit ass BEPS komm, 2015. An elo steet déi nächst a lescht Etapp virun der Dier vun der Transformatioun vun der internationaler Steuerlandschaft mat der OCDE hirem Accord fir de Pilier 1 a Pilier 2.

Dat heescht, mir maachen hei zwee Changementer. Dat eent ass d'Adaptatioun par rapport zu de Ree-

gele vun 2009, 2010. A mir maache schonn d'Adaptatiounen vu BEPS, déi mer generell elo do eranhuelen. An am Fong geholl applizéiere mer dann elo déi neist Gesetzgebung, déi et haut gëtt, un de Kuwait.

An da profitéieren ech vun der Geleeënheet, well den Deputéierte Mosar dat ervirgestrach huet: d'Wichtigkeet vun den Netduebelbesteierungsofkommissen, dass déi géife méi wichteg ginn. Ech mengen, et ass gutt, dass mir e grouse Réseau vun esou Traitéen hunn. Mir hunn der 80 Stéck a mir hunn der eng ganz Rëtsch nach am Tüb. Mee déi müssen all evoluéieren.

Mam MLI, dem Multilateral Instrument vun der OCDE (ndlr: MLI, Multilateral Convention to implement tax treaty related measures to prevent base erosion and profit shifting), wat mir ugehall hunn, geschitt elo zu engem gewëssenen Deel eng automatesch - eng automatesch! - Transformatioun vu verschiddene vun deenen Accorden. Dat ass gutt! Do brauch een net erëm vu vir unzefänken.

An da wäert mat deenen neisten Traitéen, déi elo d'nächst Joer ausgeschafft ginn an déi sollten 2023 a Kraaft trieden iwwert de Pilier 1/Pilier 2 ... Do ass d'Iddi, dass dann déi nei Konventioun, Pilier 1/Pilier 1, wann déi da ratifizéiert gëtt, dass dat en fait iwwert deenen heiten Traitéen eng Roll spillt - Taxation minimum effective zum Beispill.

Dat heescht, dat ass e Sujet, dee mer elo nach laang wäerte matschleefen, deen evoluéiert. Mir hunn all Interêt, dass dat iwwer relativ breet Aart a Weisen, wéi dat elo virgeduecht ass vun der OCDE, ka geschéien, well soss misste mer jo all déi bilateral, déi 80 Stéck, amendéieren! Dat wär a kengem sengem Interêt. An et wär och net an eisem Interêt als Lëtzebuerg, well verschiddener vun deenen Accorden, wéi Der richteg gesot hutt, verschiddener vun deenen Accorde si relativ avantagéis. A wa mer déi opmaachen, déi kréie mer net méi esou avantagéis negociéiert.

Bref, et ass gutt fir Lëtzebuerg, dass dat alles elo multilateral geschitt. An dat grefféiert sech dann op déi bilateral Konventiounen. Dat ass bal nach dat Besch, wat mer kënnen kréien. Domat erreeche mer e relativ groussen Niveau vu Level-Playingfield. An dat ass gutt fir d'Previsibilitéit.

Ech soen lech Merci.

■ **Une voix.**- Très bien!

■ **M. Fernand Etgen, Président.**- Merci, Här Finanzminister Pierre Gramegna. D'Diskussioun ass elo ofgeschlossen.

Mir kommen zur Ofstëmmung iwwert de Projet de loi 7867. Den Text steet am Document parlementaire 7867².

Vote sur l'ensemble du projet de loi 7867 et dispense du second vote constitutionnel

D'Ofstëmme fänkt un. Fir d'éischt déi perséinlech Stëmmen. Duerno de Vote par procuration. De Vott ass ofgeschlossen.

De Projet de loi 7867 ass mat 58 Jo-Stëmme bei 2 Nee-Stëmme ugehall.

Ont voté oui: Mmes Diane Adehm, Nancy Arendt épouse Kemp, MM. Emile Eicher, Félix Eischen, Paul Galles, Léon Gloden, Jean-Marie Halsdorf, Mmes Martine Hansen, Françoise Hetto-Gaasch, MM. Aly Kaes, Marc Lies, Georges Mischo, Mme Octavie Modert, M. Laurent Mosar, Mme Viviane Reding, MM. Gilles Roth, Jean-Paul Schaaf, Marc Spautz, Serge Wilmes (par Mme Françoise Hetto-Gaasch), Claude Wiseler et Michel Wolter (par Mme Martine Hansen);

MM. Guy Arendt, André Bauler, Gilles Baum, Mme Simone Beissel, MM. Frank Colabianchi, Fernand Etgen, Gusty Graas, Max Hahn, Mme Carole Hartmann, MM. Pim Knaff, Claude Lamberty et Mme Lydie Polfer (par M. André Bauler);

Mme Simone Asselborn-Bintz, M. Dan Biancalana, Mmes Tess Burton, Francine Closener, MM. Yves Cruchten, Mars Di Bartolomeo, Georges Engel, Claude Haagen, Mmes Cécile Hemmen et Lydia Mutsch;

Mme Semiray Ahmedova, MM. Carlo Back, François Benoy, Mmes Djuna Bernard, Stéphanie Empain, Chantal Gary, M. Marc Hansen, Mme Josée Lorsché et M. Charles Margue;

MM. Jeff Engelen, Fernand Kartheiser, Fred Keup et Roy Reding (par M. Fernand Kartheiser);

MM. Sven Clement (par M. Marc Goergen) et Marc Goergen.

Ont voté non: Mmes Myriam Cecchetti et Nathalie Oberweis.

Freet d'Chamber d'Dispens vum zweete Vote constitutionnel?

(Assentiment)

Et ass also esou decidéiert.

Domat si mer um Enn vun der Sitzung vun haut ukomm. D'Chamber kënnt muer de Mëtten um 14.00 Auer nees zesummen.

D'Sitzung ass opgehewen.

(La séance publique est levée à 18.17 heures.)